

Cath. Ch. - Missions, Home

Catholic Church. Pope (1903-1914: Pius X).
[Facsimile of Apostolic Brief in Latin...]
AER5458 1016657

Church of the Holy Spirit

Document



Digitized by the Internet Archive
in 2016

<https://archive.org/details/facsimileofapostcath>

Venerabili Fratri
Jacobo Eduardo
Archiepiscopo Chicagiensi. -



Ai diletti figli in Gesù Cristo, i Membri della
Società cattolica esistente in Chicago per l'estensione
della Chiesa cattolica, che conoscendo i grandi biso-
gni, nei quali versano i Venerandi Vescovi, i Sacer-
doti e i fedeli delle Filippine sono disposti di venire
in loro aiuto per conservare e far prosperare la
santa Fede in quelle Isole, e ai Venerabili nostri
fratelli, gli Arcivescovi e Vescovi e ai diletti sacer-
doti e laici degli Stati Uniti, che concorreranno
colle loro offerte a quest'Opera di squisita carità,
augurando in compenso le migliori grazie dal
cielo, in segno di viva gratitudine, impartiamo
con particolare affetto l'Apostolica Benedizione.

Dal Vaticano il 1.º Maggio 1910.

Più RP. X.





PIVS PP. X.

Venerabilis Frater, salutem
et Apostolicam Benedictionem. Quae nu-
per ad Nos relata fuisse de constitutione et
fastis frugiferae illius Associationis, quae
paucis abhinc annis sub titulo "Catholic
Church Extension Society", in tua civitate
Chicagiensi inchoata est ad firmam tutan-
dae ac provehendae fidei Catholicae in fo-
deratis civitatibus Americae Septentriona-
lis, suavis animam Nostrum gaudio et
solatio perfuderunt. Nos enim in hanc
rem suffragia luculentissima, quibus tum
Noster Apostolicus Washingtonii Delegatus,
tum fere universi istarum diocesum vene-
rabiles Praesules, tum denique plurimi sa-
cerdotes atque amplissimi viri in ecclesia-
stica dignitate constituti, unanimi consen-
su institutionis huius vestrae opportunitate,

tem atque excellentiam, iuvantes et gratulan-
tes, concelebrant, praestantia simul bene-
facta inde manantia laudantes. Nuncia
vero accurata magis ac diligentiora ex ore
accepimus hodierni Praesidis Societatis
ipsius, qui idcirco hanc Urbem adivit, ut
de Sodalitate Nobiscum colloqueretur. Ita-
que cum Nobis exinde copia facta siet
aequa lance pensandi nobilitatem au-
toritatemque Societatis, quae propositum
sibi finem habet amplificandi in terris
Regnum Christi Jesu, facere non possu-
mus, quin Sodalitati eidem sodalibus-
que universis assensum nostrum volun-
tatemque singulari studio significemus.
Tucundum quidem nunc est memoria
repetere Nos primum fuisse inventis So-
cietatis patronos, eamque spiritualium
munerum largitione firmasse. - Bene-
dictio Altissimi, quam super eam imploravimus,
uberrimorum fructuum foecunda parens esti-
t, sicuti plurima testantur per societatem
ipsam peracta opera, videlicet centum fere
templa sive Sacella desertis in plagis conde-

ta; plures catholicae scholae in territoriis insularum Philippinarum et Portus divitis fundatae; innumera opuscula de moralibus ac religiosis disciplinis perscrutantia inter fideles foederatarum Civitatum vulgata; collata subsidia pro instituendis juvenibus levites ad sacras expeditiones mittendis; maxima copia sacrarum suppellectilium et rerum ad divinum cultum spectantium, quae gratuito diribentur; auxilia pecuniaria diversis modis tributa sacerdotibus Missionariis; tandem per opportuna repectabilis Cappella, ad finem restructa suppeditandi spiritualia soldatia fidelibus in dissitis ac remotissimis Terris peramplae huius regionis commorantibus. De tam multis et quidem pretiosis huiusmodi beneficiis, quae ad innumerarum animarum salutem spectant, Nos Ipsi vobiscum una, Venerabilis Pater, debitas bonorum omnium supremo Datori gratias agimus: sed placet etiam Nobis non minus debito laudis praecorinio te cohonestare atque universos illos

singulosque sodales, quorum ab operoso studio ac generosa liberalitate accepta referre debemus, post Deum, tot tantaque bona feliciter parata. Quod si praeteritum tempus est tessera futuri, iure meritoque licet ex eo ingiter potiora auspicari; Nosque, quibus perspectae plane sunt atque exploratae, tum propositorum vestrorum iustitia, tum vobis integritas, spem prope certam formemus, futurum ut societas haec vestra, cui Deus benedicit atque homines favent, optatum brevi incrementum nanciscatur. Hoc autem incrementum eo magis erit rapidum et salutare, quo arctius haerebitis proposito fini vestrae societatis: qui finis est alacritatem vestram omnem unice et solum convertere in bonum civium vestrorum intra regionum istarum fines degentium. Religiosam hanc finis propositi observantiam Nos vobis expresse commendamus: idque a vobis servare eo consilio praecipimus, ut non modo maiori civium vestrorum emolumento consulamus, sed etiam, ut sollertia vestra nullam unquam diffi-

cultatem sive offensionem creet, quin im-
mo constanter procedat atque explicetur,
unanime foedere iuncta cum actione duo-
rum universalium operum, Propagationis
Fidei et Sanctae Infantiae, e quibus
pretiosissimis adiutoribus catholica Ec-
clesia tam valida percipit auxilia ad
divinae Missionis implementum. Inter-
ea procul dubio habentes, vos Nostrae ex-
pectationi cumulatissime fore responsuros,
Nos effusione spiritus vobiscum coniungi-
mur faustis his diebus, quibus ad pri-
mum ab invita societate vestra lustrum
celebrandum properatis, quod explebi-
tur decima octava adventantis mensis
Octobris die. Quoniam vero auspiciati even-
tus occasione, coetus Societati eidem mo-
derandae, te, Venerabilis Pater, suffra-
gante, a Nobis exposulat, ut peculiare
sibi pignus exhibeamus, tum benevolentiae
Nostrae, tum studii singularis, quo opera
vestra prosequimur, Nos optatis his pre-
cibusque vestris propensa voluntate annuen-
dum existimamus. Quin etiam laeto a-

sine opportuna propitiisque occasione
nauscimur, ut Nos ipsi pro societate vestra
auxilium et charitatem illorum omnium
advocemus, potissimum e vestris civibus,
quibus incrementum religionis, non minus
quam patriae vestrae bonum maxime cor-
di esse debet. Hortationem hanc Nostram
ante omnia et super omnes convertimus ad
Venerabiles duos in Pastoralis munere Dia-
ces, probe noscentes eorum operum praecipue
optandam esse atque efficacem. Horum
suffragium et compellationem continuo
sequetur actuosum Cleri vestri studium
et munificentia semper sollicita eorum,
quibus divina Providentia, una cum ter-
restrium divitiarum copia, exercendorum
bonorum operum modum non minus ob-
vium quam efficacem largita est. Quod
vero attinet ad petitionem Nobis exhibi-
tam, Nos libente quidem animo optata
gratia societatem vestram donamus, ha-
bendi in hac Urbe Cardinalis Patroni,
qui unionis eiusdem cum Beati Petri
Cathedra sit quasi symbolum vivens.

Huic itaque accurata quotannis ac fidelis ratio reddenda erit singulorum operum, quae, favente Deo, in Catholicae fidei incrementum vestris in regionibus Societas ipsa per fecerit. Dilectum vero filium nostrum Sebastianum Sanctae Romanae Ecclesiae presbyterum Cardinalem Martinelli Patronum vestrum, auctoritate nostra, per praesentes, designamus atque constituimus. Similiter, ut certiore modo Associationis vestrae regimini consulamus, decernimus per praesentes, ut penes te, Venerabilis Pater, ac penes tuos pro tempore in ista Chicagicensi archidioecesi successores, perenne maneat officium praecipui universae Societatis Moderatoris, cum titulo Cancellarii Sodalitatis. Exinde huic supremo muneri peculiari modo coniuncta erit obligatio tuendi Societatis negotia, et, additis opera auxilioque singulorum, qui ad Colatum moderatorum pertinent, sapienter procurandi et provehendi quotidianum Associationis illius incrementum. Quoniam vero iuxta regulas hactenus servatas, post concilium

Moderatorum, immediatus Societati esse de-
bet gubernator, appellatus Praeses, cuius sol-
licitae ac vigilantiae, praestitutis cum facul-
tatibus, generalis Societatis ipsius actio ma-
net concedita; Nos penitus animadvertentes,
quante intersit, ut electioni illius maxi-
mum tribuatur pondus, illam Nobis et Lau-
dae huic Apostolicae Sedi reservamus. It-
aque volumus, ut Praesidis ipsius electio
fiat e tribus candidatis ad hoc a modera-
torum concilio designandis, quorum nomina
per tramitem Cardinalis Societatis Patroni
transmittentur ad Urbem. Decernimus in-
super, ut Societatis Praeses a Sede Aposto-
lica sic nominatus officium retinere ne-
queat ultra spatium quinquennii. Tandem
auspicatissima hac ipsa occasione per oppor-
tunum consilium ducimus confirmare
atque de integro concedere in perpetuum
Associationi vestrae illiusque universis
sodalibus, benefactoribus et relatoribus
indulgentias, gratas et privilegia om-
nia iam alias tributa, potissimum per
Nostras Literas ad te datas die IIII Jul-

.nii anni MDCCCXVII. Maxime enim
 Nobis cordi est, ut erga fugiferam vestram
 -consociationem magis magisque in dies
 harum regionum fidelium animi mentes
 que inclinentur; quibus fidelibus non
 minus quam tibi, Venerabilis Frater,
 tuoque Klero, effuso christianae charita-
 tis spiritu, coelestium munerum auspiciis
 Nostraeque benevolentiae pignus Apo-
 stolicam Benedictionem peramanter
 impertimur. Datum Romae apud S.
 Petrum sub Anulo Piscatoris die
 IX Junii MDCCCXVII
 Pontificatus Nostri Anno Septimo.

J. Cas. Merzetti
 a Secretis Status.



SECRETARIA STATUS
 BREVIARIA APOSTOLICA

EXPENSÆ	} gratis et gratia
Libellæ aureæ	
AGENTIA	} gratis et gratia
Libellæ	

University Libraries of Notre Dame



0 0000 034 763 367